

Saray Reperensya Parad Workbook ed Aral

MAYO 3-9

KAYAMANAN ED SALITA NA DIOS | NUMEROS 27-29

“Aligen si Jehova ya Agmanangidumaduma”

w13 6/15 10 ¶14

Apresyaen Iray Kualidad nen Jehova

¹⁴ Inmasingger ed si Moises so limaran sanaagi tan intepet da: ‘Akin et naekal so ngaran nen ama mid saray pamilya to, lapud anggapo so laki ya anak to?’ Insan ira akikasi: “Ikdan mo kami pikayarianan mi ed saray agagi nen ama mi.” Kasin say inyebat nen Moises et, ‘Agnayarin umanen so ganggan?’ Andi, noagta “inyakar to so gegemtanen [kasos] da ed arap nen Jehova.” (Num. 27: 2-5) Antoy ebat nen Jehova? Oniay inkuan tod si Moises: “Saray bibii ya anak nen Salfaad maptek so salitaen da. Iter mo naani ed sikara so sakey a kayarian a pinagka-sakey a tawir ed nanleleetan na saray agagi na atateng da, tan yawat mo so tawir nen ama ra ed sikara.” Wala ni ginawa nen Jehova. Sikatoy angiter na konsiderasyon, tan ingganggan tod si Moises: “No say sakey a too et ompatey, tan anggapo so laki ya anak to, yawat yo ed satan so tawir ed bii ya anak to.” (Num. 27:6-8; Jos. 17:1-6) Manlapud saman, aprotectaan so amin a bibii Israelita ya onmay situasyon da.

w13 6/15 11 ¶15

Apresyaen Iray Kualidad nen Jehova

¹⁵ Talagan apaneknek ed satan a desisyon nen Jehova a sikatoy maomaong tan agmanangidumaduma! Pinagalangan to irayan pakaskasin bibii, a singa impantrato tod saray Israelitan mas maabig so kipapasesen da. (Sal. 68:5) Sakey labat iya ed saray dakel a salaysay ed Biblia ya mamapaneknek ed sa-

yan katuaan: Anggapoy panangidumaduma nen Jehova ed amin a lingkor to.—1 Sam. 16: 1-13; Gawa 10:30-35, 44-48.

w13 6/15 11 ¶16

Apresyaen Iray Kualidad nen Jehova

¹⁶ Panon tayon naalig so agpanangidumaduma nen Jehova? Tandaan, walay duaran aspekto na agpanangidumaduma. No *niyugali* tayo lay agpanangidumaduma, insan tayo labat *natraton* patas so amin. Natural labat ya isipen tayon aliwa itayon manangidumaduma. Balet, maseguron onabobon kayo a no maminsan et ngalngali agtayo nanengneng so kakapuyan tayo. Kanian antoy gawaen tayo pian naamtaan tayo no talaga kasi ag-itayo manangidumaduma? Nen labay nen Jesus ya naamtaan no antoy ibabaga na totoo ed sikato, tinepetan to ray napanmatalkan a kakaaro to: “Sio-pa so Anak na too unong ed ibabaga na saray totoo?” (Mat. 16:13, 14) Maabig no ontan met so gawaen mo. Sarag mon tepeten iray panmamatalkan mon kaaro no antoy naoobserbaan dad sika. No bilang ta walay naiimano dan panangidumadumam lapud nasyonalidad, posisyon, odino panagbilay na sakey, antoy gawaen mo? Ipikasim itan ed si Jehova tan patulongan kan nipetek so panmoriham pian mas nipaengneng moy agpanangidumaduma.—Mat. 7:7; Col. 3:10, 11.

Saray Espiritual a Kayamanan

mwbr21.05—it-2 528 ¶5

Saray apay

Saray apay ya iinumen. Saray apay ya iinumen et iyaapay kaiba na arum nin apay manlapu la nen nanayam iray Israelita diad Insipan a Dalin. (Nu 15:2, 5, 8-10) Sayan apay et alak (“de-alkohol ya iinumen”) ya iyibung ed altar. (Nu 28:7, 14; ikompara so Ex 30:9; Nu 15:10.) Oniay insulat nen apostol

Pablo ed saray Kristiano diad Filipos: “Singa ak apay ya iinumen ya iyibung ed bagat nipaakar ed masanton panaglingkor a gagawaen yo lapud pananisia yo, maliket ak.” Inusar to dia so simbolikon apay ya iinumen pian ilitrato so sarili to ya akaparaan ya nayanay ya pausar parad pankaabigan na saray kapara ton Kristiano. (Fil 2:17) Ag-abayag antis na ipatey to, sinulatan toy Timoteo: “Iyibung ak la a singa apay ya iinumen, tan magano lay panaon na kibulos ko.”—2Ti 4:6.

MAYO 10-16

KAYAMANAN ED SALITA NA DIOS | NUMEROS 30-31

“Toor Moy Insipan Mo”

mwbr21.05—it-2 1162

Sipan

Boluntaryon Gagawaen, Balet Nepeg ya Tooren. Say sikan et boluntaryon gagawaen na sakey a too. Balet no angisipan la, nepeg ton tooren itan ta igaganggan na Dios ya tooren tayo no antoy insipan tayo. Kalian nibaga ya say sikan na sakey et “iyobliga tod kamarerwa to,” labay ton ibaga et itataraspa toy mismon bilay to bilang garantiya ya tooren toy imbaga to. (Nu 30:2; nengnengen met so Rom 1:31, 32.) Lapud bilay so nalalanor, makatunongan sirin so bilin na Biblia ya no mangisipan tayo et isipen tayo nin maong iray obligasyon ya kaiba ed satan. Ibabaga na Ganggan: “No mangisipan kad si Jehova . . . seguradon anapen itan ed sika nen Jehova a Dios mo; ta no andi et mankasalanaka. Balet no agka mangisipan, agka makapankasalanaka.”—De 23:21, 22.

mwbr21.05—it-2 1162

Sipan

Sakey ya seryoson promisa ed Dios ya gagawaen so sakey a bengatla, mangiyapay

o mangiter, onloob ed sakey a klase na panaglingkor odino kipapasen, odino ompaliis ed saray bengatlan agmet isesebel na ganggan. Say sikan et voluntaryon gagawaen na sakey a too. Lapud seryoso itan ya promisa, say puersa odino belat na sakey a sikan et mipara ed samba, tan wala ray nabasa tayod Biblia ya saniban inusar iratan ya salita. (Nu 30:2; Mat 5:33) Say “sikan” et pangibalikas na labay ya gagawaen o sumpalen, balet say “samba” et ontutukoy ed kerew na sakey ed mas atagey ya autoridad pian prueban ya tua odino talagan gagawaen to so imbaga to. Kaslakan ya saray samba et kaiba diad panggawa na sipanan.—Ge 26:28; 31:44, 53.

w04 8/1 27 ¶3

Saray Pabitar ed Libro na Numeros

30:6-8—Nayarian kasi na Kristianon asawan laki ya ibaliwala iray samba na asawa to? No nipaakar ed saray samba, si Jehova so midedeneng natan ed saray sinansakey a mandadayew ed sikato. Alimbawa, say dedikasyon ed si Jehova et sakey a personal a samba. (Galacia 6:5) Anggapo so autoridad na asawan laki ya ibaliwala odino kanselaen itan a samba. Balet, say asawan bii so nepeg ya agmangisamba na bengatlan onsumlang ed Salitay Dios odino ed saray obligasyon to ed masiken to.

Saray Espiritual a Kayamanan

mwbr21.05—it-2 28 ¶1

Jefte

Say too et nayarin isipan ed si Jehova parand nikabiig ya panaglingkor diad santuaryo. Walaan na karapatan iray atateng ya gagawaen itan. Sakey lan alimbawa si Samuel, ya antis nin niyanak et insipan la na ina ton si Hana ya sikatoy manlingkor ed Dios diad tabernakulo. Inabobonan itan na asawa ton si Elkana. Nen apakso lay Samuel,

sikatoy inyapay ya tampol nen Hana diad santuaryo. Angawit met si Hana na ayep ya ibagat to. (1Sa 1:11, 22-28; 2:11) Say sakey nin ugaw ya insipan ya manlingkor ed Dios bilang Nazareo et si Samson.—Uk 13:2-5, 11-14; ikompara so autoridad na ama ed anak ton bii ya nabasad Nu 30:3-5, 16.

MAYO 17-23

KAYAMANAN ED SALITA NA DIOS | NUMEROS 32-33

“Pataynan Yoy Amin a Manaayam ed Dalin”

mwbr21.05—w10 8/1 23

Kasin Antam?

Anto iramay “atagey a pasen” ya aminigan abitla ed Hebreon Kasulatan?

Nen asingger lan makaloob ed Insipan a Dalin iray Israelita, ingganggan ira nen Jehova ya nepeg dan ekalen so amin ya pandayewan na saray Canaanita ya nanayam ditan. Oniy ganggan na Dios: “Deral yo so amin a rebulto ran gawad bato tan amin a metal ya estatua ra, tan nepeg yon igeba so amin a sagradon atagey a pasen da.” (Numeros 33:52) Saray sentro na palson pangdayewan et nayarin diad saray atagey a pukdol odino impaalagey iran atagey a pasen diad pigaran lugar, singa bilang diad silong na kakiewan, odino diad saray syudad. (1 Arari 14:23; 2 Arari 17:29; Ezequiel 6:3) Nayarin wala ray altar ditan, sagradon lusek odino poste, saray imahen, saray patoonan na insenso, tan arum ni ran uusaren dad pangdayew.

w08 2/15 27 ¶5-6

Makaaral ed Lingo na Saray Israelita

Diad sayan modernon panaon, sikatayoy ni-dudunget ed dakel a pakasubokan a singa ed saramay asagmak na saray Israelita.

Walaray indibidual tan benga-bengatla a singa la diodiosen na saray totoo, alimbawa, say kuarta, saray artista, saray sikat ed isport, saray sistema na politika, saray lider na relihyon, tan anggan saray kapamilyaan ni ingen. Dinanman ed saraya et posiblin magmaliw a manunaan ed bilay tayo. No bayuboan tayo so maapit a pikakaaro ed saray agmangaaro ed si Jehova, mansumpal itan ed kaderal na relasyon tayo'd sikato.

Say sebel a pisesejko so manunan kabiangan na panagdayew ed Baal ya akaingganyoan tan akatuksoan na dakel ya Israelita. Ontan met a patit so siansia nin pakakatuksoan na saray totoo na Dios. Singa bilang, sakey a telpek labat ed mouse na kompyuter ed abung et nabantayan la na sakey a mausyoso tan agmaalwar iray bengatlan manutak ed malinis a konsiensia to. Talagan makapaermen no say sakey a Kristiano et naayat ed pornografiya diad Internet!

mwbr21.05—it-1 404 ¶2

Canaan

Marunong si Josue ta “ginawa ton amin so ingganggan nen Jehova ed si Moises” nipa-akar ed paneral ed saray Canaanita. (Jos 11:15) Balet ag-intuloy na saray Israelita ya tumboken so maabig ya ginapoan nen Josue tan agda inekal so amin ya lapuan na kaugsan ed dalin. Lapud kalimog da nin siansia iray Canaanita, naimpluensyaan ira, tan diad inlabas na panaon et nanresulta itan ed impatey na dakdakel (ontan met ed krimen, imoralidad, tan idolatriya), mas dakel ni nen say bilang na amin ya Canaanita ya pateyen da komon no matoor dan inunor so ganggan. (Nu 33:55, 56; Uk 2:1-3, 11-23; Sal 106: 34-43) Pinasakbayan nen Jehova iray Israelita ya say hustisya tan panangukom to et anggapoy lalabien to, kanian no misipanan irad saray Canaanita, miasawa irad sikara,

mandayew irad dios da, tumboken da ray kustombre da, tan aligen da ray mabanday ya kagagawa ra, idapo dan mismo ed sarili da so kadederal tan ‘iyula ira na dalin.’—Ex 23:32, 33; 34:12-17; Le 18:26-30; De 7:2-5, 25, 26.

Saray Espiritual a Kayamanan

mwbr21.05—it-1 359 ¶2

Ketegan

No naamtaan la panamegley na pampapalaranan no iner ya banda so dalin ya iter ed sakey a tribu, desisyonan da no panon kaawang so magmaliw ya teritorya to base ed samay komaduan basiyan: say kabaleg na tribu. “Nepeg yon apagen so dalin ed panamegley na pampapalaranan bilang sakey a kayarian na saray pamilya yo. Parad baba-leg a grupo et aruman yo so tawir to, tan parad memelag a grupo et bawasan yo so tawir to. Say tawir na balang sakey et samay pinmaway parad sikato ed panamegley na pampapalaranan.” (Nu 33:54) Kaukolan ya unoren so resulta na pampapalaranan nipaakar ed pasen na dalin, balet nayarin umanen so kabaleg na dalin ya natawir. Kani-an nen naamtaan ya masyadon baleg so dalin na Juda, binawasan so kabaleg na satan tan inter so arum ya parte ed tribu na Simeon.—Jos 19:9.

MAYO 24-30

KAYAMANAN ED SALITA NA DIOS | NUMEROS 34-36

“Manpasalimbeng ed si Jehova”

w17.11 9 ¶4

Kasin Manpasalimbeng Ka ed si Jehova?

⁴ Panon balet ya aasikasoen ed Israel iray kaso na agginagalanan pamatey? Anggano ag-itam ginagala, samay akapatey et sian-

sia nin nankasalanan ed impamaagus toy dala na inosentin too. (Gen. 9:5) Balet lapud panangasi, samay akapatey ya agto ginagala et sarag ton ibatikan imay manangibales na dala tan onlad sakey ed saray syudad a salimbengan. Ditan et sikatoy naprotektaan. Sikatoy nepeg a manayam ed syudad a salimbengan angkad ipatey na atagey a sacerdote.—Num. 35:15, 28.

w17.11 9 ¶6

Kasin Manpasalimbeng Ka ed si Jehova?

⁶ No walay akapatey ya agto ginagala tan batik ed sakey a syudad a salimbengan, nepeg to nin ‘ipresenta so kaso to ed pakadanggel na saray mamatatken’ ya walad puerta na satan a syudad. Sikatoy mabulos dan awaten. (Jos. 20:4) Insan, sikatoy papawilen da ni ed saray mamatatken ed syudad ya akagawaan na impamatey, tan sikatoy ukomen na saray mamatatken ditan. (**Basaen so Numeros 35:24, 25.**) Sikatoy naabuloyan labat ya ompawil ed syudad a salimbengan no apaneknekan dan agginagala so impamatey to.

w17.11 11 ¶13

Kasin Manpasalimbeng Ka ed si Jehova?

¹³ No wala lad loob na syudad a salimbengan so akapatey, ligtas la. Oniay imbaga nen Jehova nipaakar ed saratan a syudad: “Onkana iratan a salimbengan yo.” (Jos. 20:2, 3) Agingganggan nen Jehova ya ukomen lamet so akapatey ed parehon kaso, tan agnaabuloyan ya onloob ed syudad so manangibales na dala pian pateyen imay akapatey. Agton balot nepeg a takotan ya walay ombawi ed sikato. Legan a walad syudad et sikatoy ligtas tan maligen, ta proprotektaan nen Jehova. Sayan syudad a salimbengan et aliwan *prisoan*. Ditan et sikatoy makapantrabaho, makatulong ed arum, tan mareen ya makapanlingkor ed si Jehova. On, posible so maliket tan makapnek a bilay!

Saray Espiritual a Kayamanan

w91 2/15 13 ¶13

Sakey a Kasimbangan a Dondon ed Amin

¹³ Anggaman ontan, nisay si Adan ni Eva et nagunggunaan ed dondon. Karga na Mosai-kon Ganggan iyan totontonen: “Agkayo mangaala na panondon ed bilay na sakey ya akapatey a makanepegan na ipapatey.” (Numeros 35:31) Si Adan so ag-apalikdo, kanian say kasalanan to so ginagala, ginegemtan. (1 Timoteo 2:14) Nansumpal itan ed ipapatey na ilalak to, ta sikara natan so akatawir na ag-inkayadyari to, sirin onsabi ed leksab na sentensya na ipapatey. Malinlinew, si Adan so makanepegan na patey, ta bilang sakey ya ayadyarin too, sikatoy walang nanggagalang amili ed itutunganga ed ganggan na Dios. Onsumlang itan ed matunong iran prinsipyos nen Jehova so pangiyaplika ed dondon ed biang nen Adan. Anggaman ontan, say panbayar ed kasalanan nen Adan, so mangitarok na pakaekal ed dusan ipapatey ed anak nen Adan! (Roma 5:16) Diad legal a pantalos, say makaderal a pakayari na kasalanan so nakal a sigpot a manlapud lapuan to. Say mananondon ‘so makasali na patey parad balang too,’ ya awit toray pansumplalan na kasalanan parad amin ya ananak nen Adan.—Hebreos 2:9; 2 Corinto 5:21; 1 Pedro 2:24.

MAYO 31–HUNYO 6

KAYAMANAN ED SALITA NA DIOS | DEUTERONOMIO 1-2

“Say Panangukom et Kien na Dios”

w96 3/15 23 ¶1

Si Jehova—Manangaro na Inkaturong tan Inkahustisya

Obligado iray aturon mamataten ed kongregasyon a mangukom ed saray kaso

na seryoson gawan-mauges. (1 Corinto 5:12, 13) Sano gagawaen itan, natatandaan da a gagala na inkahustisya na Dios so pangipanengneng na panangasi no nayadyari. No anggapo so basiyan parad satan—a singa say kaso na agmaggbabawin managkasalan—agnayarin ipanengneng so panangasi. Balet agdispelosipen na mamataten itan a managgaway mauges manlapud kongregasyon lapud panangibales. Ilaloan da a say panagdispelosip a mismo so mangawa'd sikaton namoria toy ginawa to. (Ikompara so Ezequiel 18:23.) Diad silong na inkaulo nen Kristo, saray mamataten so manseserbi ed intereses na inkahustisya, tan lalaktipen na saya so pagmaliw a singa “sakey ya amotan a pasen manlapud dagem.” (Isaias 32:1, 2) Nepeg da sirin ya ipanengneng so agpanangidumaduma tan inkamakatunongan.—Deuteronomio 1:16, 17.

w02 8/1 9 ¶4

Mattoor a Manpasakop ed Maridios ya Autoridad

⁴ Anggaman ontan, mas ni so kakaukolanen ed pagmaliw ya ukom nen say pakaamta labat ed Ganggan. Lapud ag-ira ayadyari, saray mamasiken so kinaukolan a magma-liw ya alerton mangiwaklit ed antokaman ed saray agnakontrol a tendensia ran dili—a singa say inkasiblet, panangidumaduma, tan agum—a nayarin mamikewet ed panaghushgra. Inkuuan nen Moises ed sikara: “Agkayo manlalabi na totoo ed panangukom; noag ingen dengel yo so angkekelag tan angkabaleg a parapara; agkayo ontatakot ed lupa na too, ta say panangukom nabebetangan na Dios.” On, saray ukom na Israel so mangukom parad Dios. Agaylan makapadinayew a pribilehyo itan!—Deuteronomio 1:16, 17.

Saray Espiritual a Kayamanan

w13 9/15 9 ¶9

Napanmatalkan Iray Panonot nen Jehova

⁹ Sanen nanakar iray Israelita ed “makapekkebbiew” a kadesierтоan diad 40 taon, ag-espesipikon imbag a Jehova no panon to ran igiya, protektaan, tan asikasoен. Balet, aminpigapiga ton impanengneng ya sikato tan saray ganggan to et napanmatalkan. Diad impangusar nen Jehova na singa lusek a lurem no agew tan apoy no labi, impanonot tod saray Israelita ya agto ra paulyan legan to ran igigiya ed kadesierтоan. (Deu. 1:19; Exo. 40:36-38) Intarya to met iray pankaukolan da. ‘Saray kawes da agdinmaan, tan saray sali ra aglinmarag.’ On, ‘ag-ira kinmulang’ na antokaman.—Neh. 9: 19-21.

HUNYO 7-13

KAYAMANAN ED SALITA NA DIOS | DEUTERONOMIO 3-4

“Saray Ganggan nen Jehova et Marunong tan Makatunongan”

mwbr21.05—it-2 1140 ¶5

Pakatalos

No say sakey et makulin manaral tan iya-aplika toy Salita tan ganggan na Dios, sikatoy nawalaan na mas aralem ya pakatebek nen saray managbangat to tan mas aralem so pakatalos to nen saray mamasiken. (Sal 119:99, 100, 130; ikompara so Luc 2:46, 47.) Ag-itam makapakelaw ta say karunongan tan pakatalos et naromog a mismo ed saray totontonen tan ganggan na Dios; kianan no matoor ya tumboken iratan na Israel, nanengneng na saray akapaliber ya nasyon ya sikaray “totoon marunong tan waiaay pakatalos.” (De 4:5-8; Sal 111:7, 8, 10; ikompara so 1Ar 2:3.) Say toon makatalos et

amta ton nepeg ya unoren so Salita na Dios, labay ton iyaplika itan ed mismon bilay to, tan kerewen toy tulong na Dios pian nagaawan to itan. (Sal 119:169) Abuloyan ton onsepsep itan ed puso tan isip to (Mat 13: 19-23), iyukit to iratan ed puso to (Pro 3: 3-6; 7:1-4), tan busolen to “so amin a dalan na katilaan” (Sal 119:104). Ontan ya klase na pakatalos so impanengneng na Anak na Dios nen sikatoy wadia nid dalin. Lapud pakatalos to et agto anggan sinalin takasan so ipapatey ed panamairapan ya poste ta amta to ya kaukolan ya nasumpal so imbag a Kasulatan nipaakar ed paraan na ipatey to. —Mat 26:51-54.

w99 11/1 20 ¶6-7

Sano Ondaak so Inkamabunlok

Nikelawan ed nadngel tan anengneng to, si-papaabeeban inmebat so reyna: “Mapalar iraya ya ariripen mo, a manalagey a naynay ed arap mo, tan makadngel na kakabatan mol!” (1 Arari 10:4-8) Anggaman aliber iray kayamanan, agto balet imbagan maliket iray lingkor nen Solomon lapud saratan. Imbes, abendito iray lingkor nen Solomon lapud ta naynay dan narengelan so inter na Dios a kakabatan nen Solomon. Agaylan abig ya alimbawa so reyna na Seba parad totoo nen Jehova natan, a manggagayaga ed mismon kakabatan na mismon Manamalsa tan ed say Anak to, si Jesu-Kristo!

Makatantanda met so ontumbok a komento na reyna ed si Solomon: “Nagalang si Jehova a Dios mo.” (1 Arari 10:9) Mapatnag, anengneng toy pakayari nen Jehova lapud kakabatan tan inkaaligwas nen Solomon. Mitunasan iya ed akadkaunan insipan nen Jehova ed Israel. ‘Say panumbok ed saray pananontonan ko,’ so inkuanto, “sikato so kakabatan yo tan pananalos yo ed pakannengneng na katoaan, ya ondengel naani ed saraya ya amin a pananontonan, tan kuan

da, Tuatua a say a nasyon sikato so sakey a makabat tan makatalos a katoaan.”—Deuteronomio 4:5-7.

w07 8/1 29 ¶13

Kasin ‘Mayaman Kayo Dia ed Dios’?

¹³ Sano bebendisyonian nen Jehova iray tototo, naynay a say iiter to ed sikara et san-kaabigan. (Santiago 1:17) Alimbawa, sanen inikdan nen Jehova na panayaman iray Israelita, sakey itan a “dalin a manag-agus so gatas tan dilo.” Anggaman ontan met so impaneskribe ed dalin na Ehipto, nilikud ed arum ni, say dalin ya inter nen Jehova ed saray Israelita et midumaan lapud sakey a makanakanan rason. Sakey itan a “dalin a pampilalekan nen Jehova a Dios mo,” so kuan nen Moises ed saray Israelita. Diad arum a panangibaga et onaligwas ira lapud si Jehova so mangasikaso ed sikara. Sanen nansiansian matoor iray Israelita ed si Jehova, benendisyonian to ra na daakan tan say kabibilay da so sankapatnagan a mas maa-big nen say amin a nasyon ed kaliberiber da. On, say bendisyon nen Jehova so “makapayaman”!—Numeros 16:13; Deuteronomio 4:5-8; 11:8-15.

Saray Espiritual a Kayamanan

w04 9/15 25 ¶3

Saray Pabitar ed Libro na Deuteronomio

4:15-20, 23, 24—Kasin kabaliksan na impangisebel ed panggawa na saray inukit ya imahen a mauges lay panggawa na saray kaulibay na saray bengatla pian pandekorasyon? Andi. Say isesebel et say panggawa na saray imahen pian pandayewan—say ‘pangigalang tan panlingkor ed saratan.’ Agisesebel na Kasulatan so pan-ukit na saray eskultura odino say pangipinta ed saray ngabengatla pian pandekorasyon.—1 Arari 7:18, 25.

HUNYO 14-20

KAYAMANAN ED SALITA NA DIOS | DEUTERONOMIO 5-6

“Ipasal Moy Ananak Mo ya Aroen Day Jehova”

w05 6/15 20 ¶11

Atateng, Itarya Yo Iray Pankaukolan na Pamilya Yo

¹¹ Nipaakar ed sayan tema, nayarin say mabettet ya aonen a teksto ed Kasulatan et say Deuteronomio 6:5-7. Ipangasi yo pan bukayen itan diad Biblia yo tan basaen iratan a bersikulo. Imanoen pa a saray atateng et nigangan nin unona a bayuboan da so misison espiritualidad da, a paeleten da so aro ra ed si Jehova tan ipapuso da iray salita to. On, nakaukolan a seryosoen yo so panag-aral ed Salitay Dios, regular a basaen so Biblia tan dalepdepen itan ta pian nabayuboan yo so peteg a pakatalos tan panangaro ed saray dalan, prinsipy, tan ganggan nen Jehova. Bilang resulta, say puso yo so napano na makapasagyat iran katuaan na Biblia, a mamakiwas ed sikayon manliket, mangigalang, tan mangaro ed si Jehova. Insan daakan so nainabang yo ed ananak yo. —Lucas 6:45.

w07 5/15 15-16

Panon Kon Natulongan so Ananak Ko a Magmaliw a Peteg ya Edukado?

Saray pirawat, ugagep, prinsipy, tan paniinteresan mo so napatnagan ed gagawaen mo, aliwa labat a diad ibabagam. (Roma 2:21, 22) Manlapud inkaugaw, saray anak so makakaaral diad pakakaimaton da ed atateng da. Natebek na ananak no antoy importante ed saray ateng da, tan sarayan bengatla so magmaliw met ya importante

ed sikara. No peteg ya aaroen mo si Jehova, nalikas itan na ananak mo. Singa bilang, nanengneng da ya importante ed sika so panagbasa tan panagaral na Biblia. Namoria ra ya iyuunam ed bilay mo so intereses na Panarian. (Mateo 6:33) Say regular ya iyaa-tendim ed Makristiano iran pantitipon tan say pibibiang mo ed kimey a panangipulong na Panarian so mangipanengneng ed sikara a say sagradon panaglingkor ed si Jehova so sankaimportantian ed sika.—Mateo 28: 19, 20; Hebreos 10:24, 25.

w05 6/15 21 ¶14

Atateng, Itarya Yo Iray Pankaukolan na Pa-milya Yo

¹⁴ Unong ed ipapabitar na Deuteronomio 6:7, sikayo ran atateng so walaan na dakel a panganawnawa pian nibangat ed ananak yo so espiritual iran bengatla. Balanglan san-kakaiba kayon manbiahe, mankimey, odino manrelaks, makaromog kayo na saray panganawnawa pian nitarya so espiritual iran pankaukolan na ananak yo. Siempre, ag-nakaukolan a naynay yon “sermonan” so ananak yo nipaakar ed saray katuaan na Biblia. Imbes, panggunaetan yon gawaen a makapabiskeg tan maespiritual so pantomotongtong na pamilya yo. Alimbawa, lugan na magasin ya *Awake!* so dakel iran artikulo a walaan na nanduruman tema. Saratan ya artikulo so nayarin mangilukas ed saray pantotongtong nipaakar ed saray ayayep a pinalsa nen Jehova, saray lugar a walaan na natural a karakpan diad interon mundo, tan say alay abig a pandurumaan na kultura tan paraan na panagbilay na too. Saratan a pantotongtong so nayarin mamakiwas ed saray kalangweran a lalon manbasa na literatura ya intarya na matoor tan makabat ya aripen a klase.—Mateo 24:45-47.

Saray Espiritual a Kayamanan

w19.02 22 ¶11

Aro tan Hustisyra Diad Israel Nensaman

¶11 Saray naaralan: Si Jehova et aglabat onnenengneng ed itsura, noagta sikatoy onnenengneng ed puso, say peteg ya inkatoo tayo. (1 Sam. 16:7) Antokaman so nononoten, nalilikna, odino gagawaen tayo, agtayon balot niyamot iratan ed sikato. Sikatoy onnenengneng ed kamaongan ya walad puso tayo, tan atan so labay to ya mantultuloy ya ontubo ditan. Balet labay to met ya amta tayon ibiig iray mauges ya kanonotan tan kontrolen tayo la iratan antis ya mansumpal ed mauges a kagagawa.—2 Awa. 16:9; Mat. 5:27-30.

HUNYO 21-27

KAYAMANAN ED SALITA NA DIOS | DEUTERONOMIO 7-8

“Agka Mikakasakey ed Sikara Diad Panamegley na Panangasawa”

w12 7/1 29 ¶12

Akin ya Inggangan na Dios Iray lingkor To ya Miasawa Labat ed Saray Kapananisian Da?

Amta nen Jehova ya lapud labay nen Sata-nas ya ibalang iray totoo To, uusaren toy panagdayew ed palson dirios. Kanian im-pasakbay na Dios ya saray agmananisia et “paarapen to ed sananey so anak mo a laki pian ag-ontumbok ed siak, pian manlingkor ira ed sananey a dirios.” Baleg so nayarin epektu na satan. No mandayew so Israel ed arum a dirios, naandi so panangabobon tan proteksion na Dios ed sikara, tan mainomay la ran natalo na saray kalaban da. No ontan, panon ya napawala na bansa so insipan ya

Mesias? Malinlinew sirin so rason no akin et labay nen Satanas ya patitan iray Israelita ya miasawad saray agmananisia.

w15 3/15 30-31

Miasawa “Dia Labat ed Katawan”—Kasin Realistiko Ni?

Balet, igaganggan itayo nen Jehova ya miasawa “dia labat ed Katawan.” Akin? Lapud amta to no antoy maong parad saray lingkor to. Labay ton magmaliw tayon maliket tan agto labay ya nasakitan tayo lapud makapuy ya desisyon. Nen panaon nen Nehemias, dakel ya Judio so angasawa na dayon bibii ya agmandadayew ed si Jehova. Kanian impanonot nen Nehemias ed sikara so mauiges ya alimbawa nen Solomon. Anggaman si Solomon et ‘inaro na Dios, sikatoy nankasalanan lapud saray sangkailin bibii’ ya nagmaliw ya asawa to. (Neh. 13:23-26) On, igagangan na Dios iray lingkor to natan ya miasawa labat ed kapara dan Kristiano ta amta ton parad pankaabigan tayo itan. (Sal. 19:7-10; Isa. 48:17, 18) Misalsalamat itayo ya iikdan itayo nen Jehova na maaro tan napanmatalkan ya simbawa. No sikatoy unoren tayo bilang Manuley, bibidbirren tayon sikato so Soberano ed Uniberso. —Uli. 1:5.

w15 8/15 26 ¶12

Pilim Iray Kaulop Mo ed Sarayan Kaunoran ya Agew

¹² Lalo lan importante so pampili na kaulop ed saray single ya Kristiano ya malabay a mangasawa o miasawa. Oniay malinew ya simbawa na Salita na Dios: “Akgayo mikakasakey ed saray agmananisia. Ta panon a makapanulop so inkatunong tan kaugsan? Odino antoy piparaan na liwawa ed kabilugetan?” (2 Cor. 6:14) Bibilinen na Biblia iray lingkor na Dios ya mangasawa o miasawa ira

“dia labat ed Katawan”—dia labat ed dedikado tan bautismadon lingkor nen Jehova ya manbibilay unong ed saray bangat na Biblia. (1 Cor. 7:39) No say sakey a Kristiano et mangasawa o miasawa ed kapara ton Kristiano, sikatoy nawalaan na kaibad bilay ya matoor ed si Jehova tan ontulong met ed sikaton manmatoor.

Saray Espiritual a Kayamanan

w04 2/1 13 ¶4

Itatarya nen Jehova so Inagew-agew a Pankaukolan Tayo

⁴ Say pikakasi tayo nipaakar ed inagew-agew a tagano so nepeg a mangipanonot met ed sikatayo a nakaukolan tayo so espiritual a tagano ed inagew-agew. Anggaman narnarasan la kayari na andukey ya impanayunal to, niresistian nen Jesus so pananukso nen Satanas a pagmaliwen a tinapay iray bato, a kuanto: “Aliwa a say tinapay labat so napambilay na too noag say amin a salitan ombesngaw ed sangi’ Dios.” (Mateo 4:4) Inaon dia nen Jesus so imbaga nen propeta Moises ed saray Israelita: “Pinaabebe to ka [nen Jehova], tan pinaulyanan to ka a narasan, insan to ka pinakan na mana, ya agmo amta nisay amta na saray amam; pian nipaamta to ed sika a say too agnabilay ed tinapay labat, noag say amin a pamaakaran ya ombesngaw ed sangi nen Jehova so kabilayan na too.” (Deuteronomio 8:3) Say paraan na impangitarya nen Jehova ed mana so angiter ed saray Israelita na aliwa lambengat a materyal a tagano noagta espiritual met iran leksion. Sakey lan leksion et kinaukolan ya “inagew-agew a mantipon ira na tinandaan a karakel.” No sobra so tiponen da ed satan ya agew, say kera so nabangles tan nabigis. (Exodo 16: 4, 20) Ingen, aliwan ontan so nagawa ed

komanem ya agew sano kinaukolan da so mantipon na doblen karakel pian sapotan so pankaukolan da ed agew na Sabaton. (Exodo 16:5, 23, 24) Kanian say mana so angipaslep ed kanonotan da a kinaukolan da so magmaliw a matulok tan akadepende so bilay da ed aliwa labat a tinapay noagta diad “amin a pamaakaran ya ombesngaw ed sangi nen Jehova.”

HUNYO 28-HULYO 4

KAYAMANAN ED SALITA NA DIOS | DEUTERONOMIO 9-10

“Anto ta so Kekerewen nen Jehova ed Sika?”

w09 10/1 10 ¶3-4

Antoy Kekerewen nen Jehova ed Sikatayo?

Antoy mamakiwas ed sikatayon ontulok a mabulbulos? Niay sakey a sinalambit nen Moises, “Takotan mo si Jehova a Dios mo.” (Deuteronomio 10:12) Aliwa iyan samay takot a resultay pankebbiew ya ompan walay nagawan mauges. Saya imay takot a manggaway agpanliketan na Dios tan kontra ed ganggan to. No baleg so respeto tayo ed Dios, paliisan tayoy manggawa na agto panliketan.

Anto balet so nepeg a manunaan a makiwas ed sikatayon ontulok? Inkuan nen Moises: “Say pangarom ed [Jehova], tan . . . say panlingkor mo ed Jehova ed amin a pusom tan ed amin a kamarerwam.” (Deuteronomio 10:12) Say aro ed Dios et aliwa labat ya angangga’d liknaan. Oniay inkuan na sakey a reperensya: “Saray salitan Hebreo parad liknaan so no maminsan et ontutukoy met ed saray gawa a resulta na saratan a liknaan.” Inkuan ni na satan a say aro ed Dios et mankabaliksna pang-

panengneng ed sikatoy “maaro iran gawa.” Diad arum a salita, no talagan inaro tayoy Dios, onkiwas itayo ed paraan a makapaliket ed sikato.—Uliran 27:11.

w09 10/1 10 ¶6

Antoy Kekerewen nen Jehova ed Sikatayo?

Nabendisyonan tayo no mabulos so katutulok tayo. Insulat nen Moises: “Sumpal mo so saray ganggan . . . ya iganggan ko ra natan ed sika ya onkana a kaabigan mo.” (Deuteronomio 10:13) On, amin a ganggan nen Jehova, amin a pagagawa to ed sikatayo et parad pankaabigan tayo. Talagan impossible a pankaugsan tayo itan ta say inkuan na Biblia et “say Dios sikato so aro”! (1 Juan 4:8) Kanian say iiter to labat a ganggan et saramay parad andi-anggaan a pankaabigan tayo. (Isaias 48:17) No gawaen tayon amin so kekerewen nen Jehova, napaliisan tayoy dakel a pakadismayaan natan tan nagamoran tayo ray agnasabsabaan a bendisyon diad uley na Panarian to.

c1 16 ¶2

Petege Kasin ‘Makaapit Ka ed Dios’?

² Si Abraham nensaman so sakey a nanggayaga ed ontan ya inkaapit. Tinukoy nen Jehova itan a patriarka bilang “kaarok.” (Isaias 41:8) On, si Abraham so inkonsidera nen Jehova a magmaliw a personal a kaaro to. Awalaan si Abraham na ontan a maapit a relasyon lapud sikatoy ‘anisia ed Dios.’ (Santiago 2:23) Manaanap met natan si Jehova na saray panganawawa pian “onapit” ed saraman so manlilingkor ed sikato lapud aro. (Deuteronomio 10:15, NW) Ippaseseg na Salita to: “Singger [“onapit,” NW] kayo ed Dios, et sikato so onsingger naani ed sikayo.” (Santiago 4:8) Naimano tayo ed sarayan salita so imbitasyon tan sipay.

Saray Espiritual a Kayamanan

mwbr21.05—it-1 103

Anakim

Say lahi na totoo ya nikadkadumay kabaleg da ya nanayam ed saray mapalandey a rehyon na Canaan ontan met ed arum ya lugar diad gilig na dayat, lalo la diad bandad abalaten. Walay panaon ya nanayam ed Hebron so taloran kabkabat ya lalakin Anakim, sika-
ra di Ahiman, Sesai, tan Talmai. (Nu 13:22)
Diman unionan anengneng na 12 Hebreon es-

piya iray Anakim, tan samplora ed sikara so angistorya na makapataktakot nipaakar ed saray anengneng da, ya sarayan lalaki kuno et nanlapud kapolian na saray Nefilim ya nambilay antis na baleg a delap, tan si-
nga labat “duron” iray Hebreo no ikomparad sikara. (Nu 13:28-33; De 1:28) Lapud agay-
lay kabaleg da, sikaray pangikokomparaan no idedescribe iray singa higanten lala-
ki ya singa saray Emim tan Refaim. Lapud mabibiskeg ira, walay panangibagan, “Sio-
pay makatalo ed saray ananak nen Anak?”
—De 2:10, 11, 20, 21; 9:1-3.